

Fortsetzung von Seite 6

aa ausn Film sölche exotische wie dr klaane Nemo. E Aal war mir noch net unnerkomme. Irgndwu draußn tat mr mitn Boot aahalt un dr Motor wurd ohgestellt. „Hier sind wir richtig, hier stehn die Aale!“, saar dr Schwocher un tat uns jeden ne Angel in de Hand drickn. Do mußn mr noch an den Haken e Würml aufspießn un noocherts su weit wie mirs kunntn, de Schnur samt Haken auswarf. Un dann gings wartn lus. Wartn bis e Aal abeißn tät. Dodrmit des net ze langweilich werd, gabs erscht emol ne Runde Schnaps. Allermacht! Gelei an zeitign Morgn, des ka ja heiter warn! Dann wieder aufs Wasser geguckt un gewart, bis ewos zappelt. Dr Schwocher hat aber net nár aane Angel – naa, dar hat zwee un aa noch e paar extra Schnürle fors Angeln ausgeleeht. Un noocherts gings Schlooch auf Schlooch: Gelei zwee noochenanner ham aagebissen: Aaner bein Schwocher un dr annere bei mein Bruder. Do hieß is reizieh un ins Boot bringe. Die Aaler ham dra rim gezapplt, kaa iech eich sogn. Un dann sollt iech den Aal festhalten un den Haken rausmachn. Des is mir aber net gelunge, do muß dr Schwocher schu halfn. Die Dinger sei aber aa racht glitschich un uhaamlich schnell un windn siech halt wie e Aal, wie mr su socht! Irgndwie is uns des dann doch gelunge un de Aal kame nei nern Aamer, do ham se wetter gezappelt un ham sugar vorsucht, do wieder raus ze komme! Irgndwann hatt iech aa en an dr Angel, zwar e klaaner, aber mir ham ne trotzdem mitgenomme. Auf mei Anglerglick gabs natürlich erscht wieder en Schnaps. Esu ging des ugefähr bis üm Elfe rim. Als dr Aamer ganz schie voller Aal un aa noch paar annere Fisch war, sei mir dann zerick in sei Bootshaisl gefahrn. Do is dr Fang aufgetaalt wurn nei zwee klennere Aamer. Unnern tat mei Bruder an sei Fahrodlenkstang henge un ab ging de Fahrt durch de Stroßn vu Schwerin bis eham. Des Fahrn war aber allis annere als aafach: is hat uns wagne Schnaps ganz schie rimgeschlenkert, a Wunner, des mir aakumme sei. Drham kame de Aale nei de Bodwann un sei do immer noch rimgeschwumme, bis se dann endlich vorarbit wurn sei – de enn for in griene Aalsalat, de annern zen Raichern. Gut geschmeckt ham se allemol!

Bis zr nächstn Geschicht vorbleib iech wie immer:

Eier Schmidt



Erzgebirgischer Heimatverein
Eibenstock e.V.
Otto-Findeisen-Str. 14
08309 Eibenstock

Tel. 037752 / 2666 oder 2141
Fax 037752 / 2141

Internet:
www.heimatverein-eibenstock.de

Bankverbindung:
Erzgebirgssparkasse
IBAN: DE90 87054000 389 220 7258
BIC: WELADED1STB


Unner Blatt`l



Nummer
136

Mitteilungsblatt des
Erzgebirgischen Heimatvereines Eibenstock

Juli
2016



Schul, Remus-Haus un unner Bühl!

Foto: irgnd Aaner vu uns

Unner gutes altes „Schloß“

Wie ich heit bie in mein Garten geloffen,
hob ich en guten alten Freind getroffen.
„Warst' de dä schu mol driem am Schloß,
do gieht fei heit dr Abriß lus.“

Die bie ich schnell de Zinnstroß nei geschwenkt
un ho meine Schritt zum „Schloß“ hie gelenkt.
Wos ich dort sah, ich kunnt's net fassen,
warum muß mr dä suwas abreißen lassen?

Wie ich nu so dostand un kämpft mit de Träne,
tat ich 30 Gahr zerück mich sehne.
Un de Gedanken schweiften zerück,
wos hatten mir in unnerer Jugend for Glück?!

Jeden Sonnabend und Sunntich sei mr zen Tanz gekumme,
es spielte de ETR, Dacapo oder Brunne.
Mir kame net mit en Auto, mer kame ze Fuß,
ja in „unnen Schloß“ war fei immer wos lus.

Dr Georgi-Papp mit seiner Mamm,
die standen hinter der Garderobe stramm,
die hatten fei immer e offenes Ohr for uns gunge Leit,
suwas gibts fei nimmer, in dare jetzigen Zeit.


An der Bar do stand de Frau Schmidt und dr Ungermann
und haufenweise standen mir nach „Weißen“, „Hummelrutsch“
und „Nikolaschka“ an.
Aus dr Küch e „Warmes Eckchen“ oder „Schnitzel mit Brot“,
denoch konnt'ste wieder trinken un is war alles im Lot.

Dr „Löschner-Kohn“ hat sei „Mondschein-Mandoline“ gepfiffen,
mir ham uns vor Lachen bald hiegeschmissen.
Sonnabends war um zwölfte und sunntichs um zahne Schluß.
Do is ah jeder ham gegange, weil's halt zu sei muß.

Mr hot sich gefreit schu auf de nächste Woch,
do gings wieder zen Tanz, do gobs gar ka Froch.
Mr hot jeden gekannt, mr hat mit jeden gelacht
und is wurd' ah e bissel Blödsinn gemacht.

Is hot kaaner randaliert, is fiel kaaner aus'n Rahme,
is gab ah emol e Streiterei, aber blus e ganz klaane.
Ihr Leit, die Ihr dos erlabt habt, Ihr gabt mir doch racht.
Unnerer Jugendzeit, die war fei net schlacht.

S. L.



Wir gratulieren unseren Heimatfreunden

Melanie Leonhard	am 02.07.	zum 39. Geburtstag
Rosemarie Pawlowsky	am 08.07.	zum 89. Geburtstag
Brigitte Görner	am 17.07.	zum 74. Geburtstag
Heinz Bösel	am 18.07.	zum 86. Geburtstag
Else Barth	am 29.07.	zum 87. Geburtstag
Annita Einsiedel	am 29.07.	zum 78. Geburtstag

Als neues Vereinsmitglied (bei de Flack'le) begrüßen wir:
Viola Heinz

Alter schützt vor Liebe nicht, aber Liebe vor dem Altern.
(Coco Chanel)

Unnere Ausfahrt nach Prag



am 02. Juli 2016
Abfahrt

6.00 Uhr	Autohaus Benkert
6.05 Uhr	Postplatz
6.10 Uhr	Platz des Friedens
6.15 Uhr	Cafè Schumann

Wir bitten den Restbetrag von 40,90 € pro Person
im Bus zu bezahlen.

...un am Donnerstag, ne
04. August kutschiern
mir mit de Pfaarle wieder mol nooch dr
Sose nieber.
Abfahrtszeit un -ort werd im
nächstn Blattl bekannt gabn.

**Bitte Teilnahme bis zen 22.7.16
in Museum maldn !!!
Tel. 2141**

Auf Aalfang

In e paar Blattle hab iech ja schu öftersch vun ganz ubn in Nordn drzählt, entweder vu dr Ostsee oder aa vu Schwerin, wu mei Bruder samt meiner Schweechern drham is. Die ham ja do ubn aa su ne Sproch, des Plattdeitsch, des mr net esu aafach vorstieh kaa, do muss mr schu eweng eigeübt sei un aa viel Fantasie miet-breng. Genau su giehts dene do ubn, wenn mir mit unnern arzgebirgisch-sächsichn Gemaar aafange, do ham die aa nicht ze lachn. Mei Schweechern, ehemals Pädagoge, spricht aber e ganz feins huchdeitsch un tut miech ständich berichtign, wenn iech


wos drzähl un immer wieder ins Arzgebirgsche nei komm. Zen Beispiel hat sis dauernd mit ne „A“. des tät iech meh aussprachn wie „AO“. Iech denk, des kimmt dodrvu, des die ubn de Gusch meh aufreißn un des „A“ vu weit hintn ausn Hals raus hult, mir in Sachsn un Arzgebirg ham zwar aa ne grüße Gusch aber mir tun die halt eweng annersch forme un su wird des „A“ meh zen „AO“. Aber des nár naabnbei, iech kam blus dodrauf, weil iech mol mit zen Aalfange war – itze wass iech net, schreib iech wie sichs gehárt „Aal“ oder lieber gelei „Aol“? Iech bleib halt bein Aal!

Ihr merkt schu, diesmol dreht siech mei Geschichte ims Wasser, besser gesaat, direkt vun Schweriner See. Un dodrvu ham die ja e ganz schiens paarle ringsrim un aa mittndrinne in dar wunnerschen Grußstadt.

Is is schu ettliche Gaahr har, do war iech nu bei meiner Vorwandschaft auf Besuch un hob mir esu alle Sehnswürdigkaatn un abn aa de Seen zeign lessn. Un an enn Toch saar mei Bruder,

des mir vu sein Schwocher eigelodn sei. Dar hätt e klaans Motorboot un tät uns mietnamme zen Aalangeln. Nu hab iech ja - wie ihr aus vorgangne Geschichtn sicher noch wisst - in racht grußn Reschpekt vor ne Wasser, weil iech ja net schwimme kaa. Aber die saant, des wár absolut sicher un tät mir zen Schluss machtich viel Spaß mit dr Angelei machen. Un su hab iech miech mein Schicksal drgabn un bi halt mitgange. „Do missn mir fei morgn frieh zeitich aufstieh, weil geangelt wird ze friehier Stund.“ Also sei mir kurz nooch Dreie ausn Bett gehuppt, nauhs Fahrod gestiegn un quar durch de Stadt zen Angelkahn gefahrn. Dort hat schu dr Schwocher auf uns gewart un lus gings a schu: Eisteign - Motor aaschmeißn – Abfahrt nauh aufn grußn See. Is ging ganz schie weit naus, weil do draußn erscht de Aale wár. Bis itze hat iech ja de Fisch mehr oder wenicher nár ausn Aquarijum gekannt,- klaane Goldfischle oder

Fortsetzung auf Seite 8



*Juli
bringt den Sommer
Hin auf die höchsten Höhen.
Was dort noch liegt im
Schlummer
Läßt er schnell auferstehn.*

*Der Berge krumme Rücken
Sie sonnen sich in ihm
Und wärmen voll Entzücken
Den Pelz aus Fichtengrün.*

*In ihm reifen die Beeren
Zum Segen armer Leut!
Und fleißige Hände leeren
Die Hänge von dem Heu.*

Quelle: Jahreskalender Hans Weiß, Aue – Grafiker und Kunstmaler

Rostern – aber ner bei schenn Watter

Nuja – laut unnern Jahresplan hatt`n mor forn Juni uns Rostern viergenomme. Es is ja immer schie, wenn mor obnds, wenn de Sonn noch racht schie scheine tut, draußn sitzn und uns a Würschtl oder ah a Schteek schmeckn lessen kenne. Dorzu a Flaschl Bier oder a Glas`l Wein – wos schennersch gibs ja gar net! Aber halt ner bei schenn Watter. Und desmol war`sch halt net esu schie. Schu paar Tog vornewag war de Watterlage net beständig, egal mol gerengt, eweng frisch, mor wust`n halt net su racht wies wird. Iech hob a paar mol mit der Chefin von de Vereinshausmaad, dr Lorenz Gisela, telefoniert und mor ham simpeliert, wos nu werd. Und schließlich ham mor beschlossn, mor bleibn drinne und machen`s uns do gemietlich. Und su warsch aah. De Maad ham uns wieder mit`n deftich`n Hackepeter vorwehnt und de Walt war in Ordnung. Es is dorzehtl wurm wos is Neues su gibt in unnern Eimstock, hattn aweng Musik laafn lessn und su verging dar Obnd wieder racht fix. Nu und wenn de Sonn noch a mol Blosn zieht in den Gahr, do war mor unnern Rosterobnd nochhuln – do kenne mor nischtl!

M. Schürer



Fotos: R. Tittel